

# Deset godina zatvora za finansijski kriminal

Mladen Kekerović, poduzetnik iz Laktaša, priznao je krivicu za niz krivičnih djela pristavši na kaznu zatvora od 10 godina te oduzimanje imovine vrijedne 4 miliona KM. Ovo je najveća kazna za finansijski kriminal u poslijeratnoj Bosni i Hercegovini, saopštilo je Tužilaštvo BiH.

Kekerović je priznao izvršenje krivičnih djela: oganizirani kriminal, pranje novca, porezna utaja, carinska prevara, sprečavanje dokazivanja, skidanje ili povreda službenog pečata te teška krađa.

Također, sporazumno priznanje sklopila su i laktaška poduzeća „MB Kekerović“ i „Trgopromet Dragan“ čiji je Kekerović ovlašteni zastupnik.

„Ovo će priznanje pomoći procesuiranju većeg broja predmeta višemilijunskog kriminala, koji su u izravnoj ili neizravnoj vezi sa navedenim poduzećem“, saopšteno je iz Tužilaštva BiH.

Uz Kekerovića je u ovom predmetu optuženo još sedam osoba: Radovan Kekerović, Zoran Pavlović, Slobodan Gojković, Slobodanka Zrnić-Babić, Goran Todorović, Predrag Vidić i Biljana Trivundža, dok su Aleksandar Vuković i Dejan Amidžić optuženi za povezana djela u okviru drugog predmeta.

Predmetom su obuhvaćena i preduzeća: „MB Kekerović“ i „Trgopromet Dragan“ iz Laktaša, „Zora Komerc“ i „Liberty“ iz Banjaluke, „Ceresol“ iz Bosanskog Broda, „Woodland Zemlja i šume“ iz Modriče, te „3-mar“ iz Novog Grada.